



№61 (10051)  
3 тамыз,  
сенбі  
2024 жыл

# Жалағаш жаршысы



«zhalaqash-zharshysy.kz»  
ақпараттық агенттігі

Аудандық қоғамдық-саяси газет

Газет 1934 жылдың 10 қаңтарынан бастап шығады

## Брифинг



### Жартыжылдықта жарқын жобалар жүзеге асты

Тамыры терең, тарихы кеңен Жалағаш ауданы қазіргі уақытта қайнаған қызу жұмыстың, тынымсыз тірліктің, қарқынды құрылыстың ордасына айналды. Биыл да елдегі экономикалық даму мен қалыптасқан саяси тұрақтылықтың арқасында аудан халқының қажетіне жарайтын ірі серпінді жобалар жүзеге асты. Мұнан бөлек аудандағы өзекті мәселелерді шешу мақсатында көптеген жобалар әзірленіп, қаржыландыруға ұсынылған. Бұл туралы өңірлік коммуникациялар қызметінде өткен брифинге аудан әкімі Ардақ Ибраимов баяндады.

– Мемлекеттік бағдарламалар аясында ауданда жоспарланған ауқымды шаралар жүзеге асырылып, өлеуметтік-экономикалық даму бағытында жұмыстар атқарылып келеді. Бұл жұмыстар негізінен өлеуметтік саланы дамытуға, өлеуметтік міндеттемелерді уақытылы орындауға, шағын және орта кәсіпкерлікті дамытуға, жаңа жұмыс орындарын құруға және аудан экономикасын өртарлаптандыруға бағытталған. Нәтижесінде экономикада тұрақты өсім қалыптасты. Жалағаш ауданы барлық бағыттар бойында өсу динамикасын жалаастырып, өткен жылдың сәйкес кезеңімен салыстырғанда негізгі өлеуметтік-экономикалық даму индикаторларына қол жеткізілді, – деді Ардақ Әбдіәліпұлы.

ЖАЛҒАСЫ 2-БЕТТЕ.

## Кеңес



### Кәсіпкерлерді қолдау маңызды

Кеше Қызылорда облыстық кәсіпкерлер палатасы мен қаржылық ұйымдар, мемлекеттік және құзырлы орган өкілдерінен құрылған жұмысшы топ аудан кәсіпкерлерімен кездесті.

Аудандық бизнес өкілдеріне арналған жиынды аудан әкімінің орынбасары Арнұр Нұрмағанбетов жүргізіп, кәсіпкерлерді шараға белсене атсалысуға шақырды. Сондай-ақ ол кәсіпкерлерді қолдау бағытында атқарылып жатқан жұмыстарды айта отырып, бұл салаға ерқашан қолдау бар екенін жеткізді. Аудан прокуроры Әділжан Оразағали өз кезегінде прокуратура тарапы кәсіпкерлердің құқығын қорғауға әрқашан дайын екенін айтты.

Кездесу барысында шағын және орта кәсіпкерлік саласының дамуы, салық есептіліктерін тапсыру, кәсіп ашуға берілетін жеңілдетілген несиелер мен мемлекеттік бағдарламалар жөнінде талқыланды.

Жиын қорытындысында аудан кәсіпкерлері өз сауалдарын қойып, ұсыныстарын білдірді. Сұрақтардың басым бөлігі кәсіпін кеңейту жолында алынатын несие мен оған қойылатын кепілдемеге қатысты болды. Осы орайда мамандар барлық тиімді жолдарды түсіндіріп, әр салаға қатысты бағдарламалармен таныстырып өтті.

Жиыннан соң жұмысшы топ мемлекеттік бағдарламалардан несие алып, кәсіпін дөңгелентіп отырған «Ботақан» ойын-сауық орталығы мен «Мега планета» дүкенінің бүгінгі тынысымен танысты.

«ЖЖ» ақпарат

## Үкімет



### Қауіпсіздік қаперде болсын

Ішкі істер министрі Ержан Сәденовтің айтуынша, елімізде жыл сайын жол-көлік оқиғаларынан 2 мыңнан астам адам қаза тауып, 19 мыңнан астам адам жарақат алады. Бұл туралы ол Премьер-министр Олжас Бектеновтің төрағалығымен өткен Үкімет отырысында кеңінен тоқталып, апаттардың өсу себептерін тілге тиек етті.

Министрдің айтуынша апаттардың өсуіне тіркеу тәсілдерінің өзгеруі мен автокөліктер санының артуы себеп болған. Мәселен, былтырдан бері автокөлік саны 608 мыңға дейін көбейген. Сондай-ақ инфрақұрылымның жағдайы мен жүргізушілер тәртібінің сапасы сеп болуда.

Министрдің айтуынша 2006 жылдан бері «Астана-Шүтінск» жолындағы адам шығыны 75-тен 12-ге азайған. «Астана-Теміртауда» 30-дан 18-ге азайған. Өңірлер арасында Ұлытау, Жетісу, Солтүстік Қазақстан, Ақтөбе, Алматы облыстарының трассаларында өлім-жітім деңгейі жоғары. Мысалға, шілде айында Қарағанды облысы «Алматы-Екатеринбург» трассасының, жеңделіп жатқан учаскесінде 2 апта ішінде 3 жол

көлік оқиғасы болған. Онда 9 адам қаза тауып, 14-і жарақат алған. Мұнан бөлек, Ақтөбе облысындағы бір шұңқырдың кесірінен 2 жол апаты болып, салдарынан 4 адам зардап шегіп, 1-еуі қаза тапқан. Министрдің айтуынша, мұндай фактілер әр аймақта бар. Себебі республикалық жолдардың тек 3 пайызы ғана қауіпсіздік талаптарына сәйкес келеді. Осындай жолдарды жеңдеген соң ғана адам шығыны бірнеше есеге азаймақ.

## Бәрекедді!



### 4 467 отбасы баспаналы болды

Биыл наурыз айының аяғында шығыстан басталған тасқын еліміздің 10 шақты облысын жайлады. Мұндай су тасқыны бұрын-соңды болған емес. Арнасынан асқан су айдындары жолындағы елді мекендердің барлығын дерлік жайпап өтті. Бас-аяғы 10 мыңға жуық баспана су астында қалды. 100 мыңнан астам адам өз үйін тастап, басқа жерді паналауға мәжбүр болды. Алайда ешкім далада қалған жоқ, бірлігі мығым халық, ел қамын жеген мемлекет те қолдан келгенше көмегін аямады.

– Біз сын сағатта жұрт болып жұмылдыдық. Үкімет, мемлекеттік органдар, құзырлы мекемелер және еріктілер бірлесе жұмыс істеді. Соның арқасында 119 мыңнан астам адам дер кезінде қауіпсіз жерге көшірілді. Оның 45 мыңға жуығы – балалар. Ең бастысы, біз адам өмірін барынша сақтап қалдық. Жағдай менің толық бақылауымда, – деп Мемлекет басшысы Қасым-Жомарт Тоқаев сын сағатта елмен бірге екенін айтты.

Айта кетейік, ел бойынша қауіпті аймақта халықты құтқаруға 4 мыңнан аса техника мен 31 мыңнан астам адам жұмылдырылған еді. Олардың арасында көбігі құтқарушылардан бөлек әскерилер мен құқық қорғау орғандарының қызметкерлері, әкімдіктің мамандары мен еріктілер де болды.

Міне, сол табиғи апаттан бері 4-5 ай өтті. «Жұмыла көтерген жүк жеңіл» демекші, қиын-қыстау заманда халық бір-бірінің тілеуін тілеп, болашаққа сеніммен көз тікті. Олай болары заңдылық, Үкімет үйсіз қалғандарға баспана салып берсе, жұмысына кәсібінен айырылған азаматтарға қаржылай көмек те беруде.

Нақтырақ тоқталсақ, 34 068 отбасына бір реттік 100 АЕК көлемінде өтемақы төленген. Жалпы осы мақсаттарға барлығы 12,5 млрд теңгеден астам қаражат жұмсалған. Бағалау аяқталуына қарай жоғалған ең қажетті

арнайы жолақ, жарықты қамтамасыз ететін 630-ға жуық жол белгісі мен 1230 жол буфері орнатылған.

Жаяу жүргіншілердің қатысуымен болатын жол-көлік оқиғаларын болдырмау мақсатында қалалар мен елді мекендерді айналып өтетін 52 айналма жол және 32 жаяу жүргіншілер көпірі салынған. Сонымен қатар жануарлардың жолға шығуын алдын алу үшін 1 мың 500 шақырым қоршау мен 319 мал айдау өткелдері қамтамасыз етілген.

Облыс әкімі Нұрлыбек Нәлібаевтың айтуынша, былтыр полиция департаментінің материалдық-техникалық базасын жабдықтауға облыстық бюджеттен 3,3 млрд теңге, өткен жылғы бюджеттен тағы 2,1 млрд теңге бөлінген. Полиция

инспекторларына 18 қызметтік автокөлік табысталған.

Айта кетейік, Қызылорда қаласы аумағына 100 бейнебақылау камерасы мен 10 «Сергек» қондырғысы орнатылған. Бұдан бөлек, 10 «Ekin Patrol G2» және 21 «Viewo» мобильді кешені жұмыс жасауда. Дегенмен, Қызылорда қаласында жол-көлік оқиғалары 120-ға, қайтыс болғандар саны 5-ке, жарақат алғандар саны 150-ге артқан.

Сондай-ақ биылғы 6 айда 58 жаяу жүргіншілерді көлік қағу жағдайы тіркелген. Бұл көрсеткіш өткен жылғы осы кезеңмен салыстырғанда 77,5 пайызға өскен. Жиын соңында аймақ басшысы жолдар мен көшелерге жол белгілерін орнатып, тозығы жеткендерін жаңарту, «Батыс Еуропа – Батыс Қытай» автодәлізі бойындағы елді мекендер тұрғындарына малды қараусыз қалдырмау жөнінде түсіндірме жұмысына күшейтуді тапсырды.

ЖАЛҒАСЫ 3-БЕТТЕ.

Жандос ЖАЗКЕН





